

Leter e hapur e farmacistëve pensionistë.

I nderuar President i Republikës së Shqipërisë,

I nderuar Kryetar i Kuvendit të Shqipërisë,

I nderuar Kryeministër i Shqipërisë,

I nderuar Ministër i Shëndetësisë,

I nderuar Avokat i Popullit,

Të nderuar kolegë farmacistë,

Ne një grup prej më shumë se 200 farmacistësh që kanë të drejtë të dalin në pension por që kanë zgjedhur të vijojnë të punojnë, po ju drejtohem nëpërmjet kësaj thirrje publike, duke kërkuar mbështetjen dhe mbrojtjen Tuaj, ndaj vendimit të Urdhrit të Farmacistëve të Shqipërisë të datës 29 Maj 2015, i cili na heq të drejtën ligjore të ushtrimit të profesionit si drejtues teknik. Ky vendim arbitrar, antiligjor, antiprofesional dhe diskriminues është cilësuar si tejkalim kompetencash nga ana e Ministrisë së Shëndetësisë.

Ne, kategoria e një brezi që punojmë prej më shumë se 40 vite në shërbimin farmaceutik shqiptar e ushtruar këtë profesion kaq të nderuar në çdo cep të vendit tonë, aty ku ishin zonat më të thella të tij. Përkushtimi profesional, dinjiteti dhe personaliteti që krijuam në shërbim të njerëzve në nevojë e lartësuan figurën e farmacistit, edhe pse punuam në një regjim totalitar. Ne sollëm në vitet e demokracisë një figurë model të profesionistëve të shëndetësisë dhe për 25 vjet demokraci e ruajtëm të pastër figurën e farmacistit. Edukuam disa breza tashëgimtarësh për të cilët jemi krenarë. Punuam në pozicione kyçe të institucioneve shtetërore dhe bëmë më të mirën e mundshme për profesionin tonë dhe shërbimin ndaj qytetarëve. Promovuam brenda dhe jashtë vendit këtë profesion kaq të nderuar dhe të respektuar nga pacientët dhe më gjerë. U përpoqëm me të gjitha mundësitë dhe sakrifikuam shumë për hartimin dhe përshtatjen e një legjislacioni që shkon drejt atij Europian. Ideuam, ngritëm dhe konsoliduam Urdhrit e Farmacistëve të Shqipërisë. Urdhri u bë shtëpia jonë e përbashkët ku ndiheshim të qetë dhe të mbrojtur falë solidaritetit njerëzor mes nesh. Urdhri u bë mbrojtësi i interesave tona profesionale dhe më gjerë. Ky organizëm sakrifikoi nga vetja e tij në përballje me qeveritë në vite duke respektuar partneritetin ndër-institucional, por kurrë nuk sakrifikoi asnjë anëtar apo kategori të caktuara farmacistësh për hir të interesave të çastit.

E gjithë kjo arritje u shua, për Ne, sa të hapësh e të mbyllësh sytë nga vendimi i propozuar nga Presidentja Diana Toma në mbledhjen e Këshillit Kombëtar të datës 29 Maj 2015. Historia e kësaj mendjeligësie fillon nga dhjetori i vitit 2014, kur zonja Toma i dërgoi një shkresë zyrtare Ministrisë së Shëndetësisë, duke i kërkuar, veç të tjerash, qëndrimin zyrtar për heqjen e të drejtës së ushtrimit të profesionit për ne farmacistët në pension. Kjo shkresë, që kishte dhe disa kërkesa të tjera kundër farmacistëve nuk u mor fare në konsideratë nga Ministria e Shëndetësisë.

Gjithashtu u diskutua shkarazi edhe në një mbledhje të Këshillit Rajonal të Tiranës, në të cilën ju kërkua zonjës Toma të jepte shpjegime pse ky diskriminim ndaj farmacistëve që kanë të drejtë të dalin në pension por që kanë zgjedhur të vijojnë të punojnë dhe japin kontributin e tyre, konform të gjitha parashikimeve të kuadrit ligjor në fuqi. Me paturpësinë me të madhe gënjeu, duke u justifikuar se ishin disa sugjerime që iu shtruan anëtarëve të Këshillit Kombëtar. Ndërkohë që disa kolegët tanë pjesë e kësaj kategorie, anëtarë të zgjedhur në këtë këshill, panë me sytë e tyre këtë letër të protokolluar, por e konsideruan thjesht një lajthitje të momentit, duke i besuar presidentes së tyre. Shqyrtimi i këtij projektvendimi në mbledhjen e Këshillit Kombëtar përbën momentin e dytë të fshehtësisë. Ajo e ka bërë këtë në mënyrë të kamufluar, kur disa nga anëtarët e rajoneve nuk ishin prezentë. Kjo mbledhje për më tepër është thirrur në kundërshtim me sa është parashikuar në kuadrin rregullator, pasi anëtarët që përfaqësojnë Ministrinë e Shëndetësisë, Fondin e Sigurimeve Shëndetësore dhe Fakultetin e Farmacisë nuk janë thirrur në mbledhje. Ndërsa të tjerëve njoftimi nuk i është bërë konform parashikimeve në statut e rregullore..

Ky vendimi për ndryshime të statutit të marrë në këtë mbledhje, i cili përmban një sërë shkeljesh ligjore të pastra, pra jo vetëm çështjen që ne po parashtrijmë në këtë letër, së pari është diskriminues brenda vetë kësaj kategorie pasi diskriminon mes farmacistëve me dhe pa pronësi farmacie, edhe pse kanë të njëjtat karakteristika mes tyre. Kjo tregon pabesi, ndaj shpirtit të pastër të kësaj plejade me vlera të larta morale të cilët gjithë jetën e tyre nuk kanë patur ndoshta mundësi të kishin një farmaci të tyre, por që kanë zgjedhur të ofrojnë kontributin e tyre profesional për të gjithë pacientët. Në momentin kur ne kemi nevojë për mbështetje, presidentja na përgjigjet më ligësi. Në kohën kur ne kemi nevojë për vlerësim, dhe besojmë se e meritojmë atë, ajo na përgjigjet me diskriminim. Kur ne paraqitemi me dinjitet, ajo na përgjigjet me depersonalitetin e saj. Kur ne kemi nevojë për mbrojtje sipas ligjit, ajo na kundërvihet me vendime antiligjore. Kur ne kemi nevojë për promovim mes profesinistëve të tjerë të shëndetësisë, mjekë, stomatologë, për të cilët Urdhri i tyre është mbrojtës i pa lëkundur, ajo na turpëron para tyre. Së fundi kur ne kemi nevojë edhe për të ardhura financiare të ligjshme, ajo na i privon.

Me këto ndryshime shkelen njëherësh:

- Kushtetutën e RSH
- ligji për barnat,
- ligji për profesionet e rregulluara,
- Kodi i Punës,
- Ligji për të drejtën e informimit
- Ligjin për Urdhrin e Farmacistëve

Në emër të atyre vlerave për të cilat flasim, do të donim që Urdhri të ishte organizmi që promovon vlerat e profesionit që përfaqësojmë, të ishte vendi ku zëri i çdo farmacisti të dëgjohej,

të ishte enti që në krah të institucioneve të këtij vendi të jepte një kontribut themelor për sektorin duke e cuar atë drejt Europës. Por shohim që kjo nuk po ndodh. Madje një pjesë e drejtuesve të këtij enti po e cojnë atë në greminë, thjesht dhe vetëm për interesa personale dhe klanesh të brendshme për të ruajtur e ndarë përfitime me një grup të vogël njërëzish mes tyre.

I nderuar President i Republikës së Shqipërisë! Ju që përfaqësoni unitetin e kombit, a mund të konceptonit një presidente të farmacistëve që prish unitetin e tyre?

I nderuar Kryetar i Kuvendit të Shqipërisë! Ju që me ligj i keni dhënë kompetenca një enti publik të pavarur, a do pranoni që këto kompetenca t'i tejkalojë me statut një person që zgjidhet nga një këshill me 12 anëtarë?

I nderuar Kryeministër i vendit tonë! Ju që na keni mbështetur dhe vlerësuar gjithmonë dhe që luftoni për të promovuar vlerat e kësaj shoqërie, që luftoni për transparencën e administratës dhe enteve publike, a mendoni se mundet që një grup i ngushtë njërëzish të abuzojnë dhe shkelin hapur ligjet e këtij vendi për interes e veta personale?

I nderuar Ministër i Shëndetësisë, Ju që u prononcuat i pari për tejkalim kompetencash ligjore nga ana e Urdhrit, a do ti kërkonit nëpërmjet përfaqësuesit tuaj ligjor një mbledhje urgjente për rishkimin e këtij vendimi?

I nderuar Avokat i Popullit! Ju që mbronit të drejtat, liritë dhe interesat e ligjshëm të çdo personi nga veprimet e paligjshme, ose të parregullta të administratës publike, a mund të na mbronit nga presidentja që na sulmon edhe pse ligjërisht duhet të na mbrojë?

Të dashur kolegë! Ju që prisni mbrojtje ligjore nga Urdhri, a mund të mendoni një presidente që, t'i luftojë farmacistët me metodën e asgjesimit pjesë-pjesë?

Nga grupi farmacistëve.

Numra kontakti: cel. 0662398100, 0695367551